

B. N. C.
FIRENZE
1008
16



1008. 16



ALTERA
SECRETISSIMA
INSTRVCTIO

Gallo-Britanno-Batava.

FRIDERICO V.
data.

*EX BELGICA IN LATI-
NAM LINGVAM VERSA, ET OPTI-
mo publico evulgata.*



HAGÆ COMITIS

Permissu Senatus.



M. DC. XXVI.

SECRET

SECRET

SECRET

SECRET

SECRET

SECRET

SECRET

SECRET

SECRET

1008 16

SECRET

SECRET

SECRET

Alter
SECRETISSIMA
INSTRUCTIO

Gallo-Britanno-Batava.

FRIDERICO V. data.

*Ex Belgica in latinam linguam versa, & opti-
mo publico divulgata.*

Hagæ Comitum, permissu Senatus.

APHORISMVS I.



Ubi prensantem, plausi crescenti, instruxi regnan-
tem, sequor exulem, ruinis tuis fidus adsisto.

stat pectore in isto

Fortunâ titubante fides.

Fugère plerique; Felicitatis illi tuæ comites, non tui fue-
runt: Achates ego sum, Theſea me, aut Pyladem æſti-
mâ, utrunque præſtabo. Navim tuam ubi fluctibus commi-
ſeris, cymbam meam adligabo, ut eodem in portu con-
quieſcat, aut turbine rotetur.

Nulla meis, ſine te, quæretur gloria rebus.

Malè mihi tecum eſſe poteſt, bene ſine te, eſſe non poteſt.

I I.

Sexto te demum appello, nec ſerò tamen:

Facilis iactura est temporis acti,

Si lux damna sequens pensaverit.

Te spes tua, sex annos fefellit, Instruotorem arcuit. Altior illa fuit, quàm ut voce mea attingi posset; fortior, quàm ut tuorum cladibus mortibúisque flecti. Magnæ nominũ umbræ vigilantī insomnia objecere. amabili errore animus sibi regna finxit. Sic re ad mediũ lanum fractã fenus computat.

sollicitis Alphius articulis.

rerũque inanis imagine gaudet. Socer Britannus, Affinĩsq; inclinatus Francus, promissor Suecus, assultor Danus, incentor Allobrox, dices Venetiæ, Gabor amicus, Turca Patronus, Brunosviceni, Durlaceni, Mansfeldiani Exercitus, Saxonum vires, Cymbrorũque. Brẽdæ liberatio, Genuæ expilatio, Volterinorum deditio, Helvetiorum deceptio, Gadium occupatio, opum Indianarum auersio, ita mentem tuam spei nimiam, rei vacuam obsederant, aures obturãrant, ut omnem instructioni aditum intercluserint. Per scutorum thoracũque adamantina, texta Veritas, quanquam fortissima, penetrare non potuit. Fiducia felicitatis ubi mitissima est, moderata suadentes irridere contenta est, si incitata est monentẽ obterit: Instructiones te exasperãrunt. At nunc soluta est compago futiliũ, dispulsa vigilantis insomnia. Animum spe ebrium, assentationibus detorsum, reddere sobrium rectũque debuere elades. Contra experimenta contumacem esse, Numinis est iniuria. Si contra stimulum ultra saucius calcitrare pergas, cum salute perdes & miserationem, solamen pereuntium. Audi ergo Veritatem, nimis temeritatem luisti. Consilio novo rem auspicare.

III.

Fidem mihi ut habeas, haut rogo, merui: eam tu mihi debes. Omnibus in adulationem effusus, de periculis monui

monui solus, solus in Aula tua verum dixi, sed potentiora veris erant dulcia. Hoc pessimum habet optima Fortuna, ut simul & incerta sui sit; & secura futuri. Nunc vana evanescere, veris dedere locum. Dictis meis ad unguem respondit eventus,

victique oracula clades.

Crede igitur & dicturo. Ex me fortia, ex alijs jucunda; Consultor tibi, non Tibicen advenio. Austriacis imparem te dixi.

Cuncta tibi adverso ceciderunt praelia Marte.

Aliena sectantem proprijs excussum iri vaticinatus sum: Pedem ubi in tuo ponas, non habes. Insuper & subditos tot cladibus attrivisti, & amicos Principes evertisti. Bohemos tibi fidos fore negavi. Animos, opes, plausum ad victorem transtulere. Caput deprecationis fuit, à Te tuisque se deceptos. Turcæ fidere te vetui: Auxilia pernegavit, pacem composuit, miraculum in Bassis evidens, ne auro quidem in bellum trahi potuerunt, oleum & operam Venetus perdidit. Gaborem fallacem ostendi.

medio in discrimine fessum

Destituit fugiens & sibi consultis.

Unioni te credere nolui: Ruinam illa tuam properavit, cumulavit, impulit, nosti tua tuorumque verba. Incerta esse Principum auxilia monui. Palatinum illi depasti sunt, Spinola in optimo terræ loco hyberna dederunt, pacti amicitiam sibi, fortunæ obsecundarunt: nonnulli etiam Ibero militarunt. Nimirum omnes Fortunam reverenter habent, casuro assistere formidant, lapsi nolunt. Ex Venetis lentum fore auxilium pronunciavi. Legatus censies obtestatus ne exiguum quidem tulit, multa tibi dare, sibi grave: pauca; tibi inutile esse distabant, Reipublicæ indecorum. Allobrox insuper dolis se tuis irretitum que-

stus est. De Franco, aliisque, quæ dixi, oracula fuere. Evenerunt. Atque hæc in prima instructione.

I V.

Fidem præstruxi, nunc bonus Tiresias consilium addo, & te tibi aperio. Dicam primò quid non possis. Secundò quid possis: Tu elige quid velis. Prima operosior est consultatio, multa non potes, quæ posse tibi videris. Altera strictior. Pauca enim potes. Prima sapiētis cura est despicere

Quid possint humeri, quid ferre recusent.

stulti inrita conati, vires, quas in profutura verti oportuit, in ventos effundunt. Hoc cavere te velim. Abstine inutili labore, ut profecturo sufficias. Sed ad orbitam.

V.

Bello per affinem restitui non potes. Non vult tui causâ. Invisus es æmulo, exosus formidanti: odiorum nec causæ, nec effecta in occulto, verba tua & tuorum, literasque in Patrem asperas, in se contumeliosas, altâ mente reposuit. Ira tua improvida, dictis odia aspera movit. Regno te Socer arcuit, & moriens filium ne admitteret, obtestatus est. Ille ne ad nuptialia quidem sacra sororem admisit, nec aliâ conditione, quàm ad triumphale cõsulum.

Consules vocari consueverunt, invitavit; ne scilicet venires. Meminit nuper sibi à Proceribus negatam tibi decretam vivo Patre pecuniam, Puritanorum in te amorem suspectat. Ultrò te accusat, tuâ te, pertinaciâ miserum esse pronunciat. Pœnâ capitis nuper sanxit, ne regni turbæ foras efferrentur, timet, ne exulceratos Procerum animos cognoscas, & illo sis unguis in ulcere. Incautè tu Buchingami secreta Gallis credidisti. Carolus etiam album pulverem de tua pyxide metuit. Procerum animi discordes, Puritani te opum Ecclesiasticarum pactione Regem sibi destinant, stirpem

instructio.

3

stirpem regiam, Iacobi Filiam, & Nepotes in regnum ad-
seiscendos, tot hæredum præsentia Carolum in officio con-
tinendum dicitant: fremunt ista apertius, quam ut celari
queant. At nunc plures eorum mutatis animis tibi sunt
infernũ, quòd Buchingamo amicum arbitrentur, eum per
filix regias nuptias celsa petere & inexorabilem vindicem
fore suspicantur. Lupum itaque auribus tenes. Si Buchin-
gamo iungeris, proceres offendis, qui tibi subsidia negant,
sine eorum nervo rex invalidus est. Si Buchingamum ab-
dicas, Regem exasperas, cui in manu est, non modò facilis,
sed etiam utilis vindictæ modus, si nihil donet. Dani Lega-
tus sociorum mentem Britanno aperuit, Unius amore im-
pediri pecuniam. instructionem nôsti. Certè florere te
non vult, ne illicere Proceres valeas: meminit iam ante sex
annos filium Pragæ ludibrium diadematis suscepisse, expe-
ctatione suæ mortis, nec esse in se quicquam, quod tu ma-
gis ames, quàm invaletudinem, nec quod magis speres,
quàm exanimationem.

V I.

Ne potest quidem restituere. Fessus est bello, regnum
exhaustum est, ærarium vacuum est, nisi quæ Norvvegiam
respicit, illâ parte enim ære multo, sed alieno, pressum est.
Proceres bellum detestantur, pacem poscunt, aurum abne-
gant, pernegantque: nobiles negant, Londinenses non ha-
bere se pejerant, flagitationem vicenis millibus redimere
vellent. Domi sibi metuunt, dissident à Rege, præsidia dis-
ponunt. Hyberniam Exercitu vix tuentur, poscit opem.
Danus, Batavusque, commercia intercidunt, extima regni
spoliantur, intima fraudibus expilantur, naves intercipiun-
tur, Belgium inquietum est, Hispana classis stat in procin-
ctu, Auster & Zephyrus procellam minantur, aurum in-
fensus Danicum, & Aulæ ministeria non sufficit. Familia
regia

regia regiè esurit, minuitur. nec cogere quidem Reginam suam poterit, ut dotem eius in Bellum Danicum infumat, nisi vexari lite Uxoriâ malit. Francus offensus est, socij ab alienati; inter hæc nutat anceps Hybernia, Scotia contumax, Anglia mutationis avida rerum novandarum querit occasionem. Rex omnium offensas incurrit,

Defendat vetulum, Scoti Iovis ut Ganymedem.

Cui Seiani fatum obtingat, amicitiam ejus graviter lues. Inter ista tu speras fore, ut maximum exercitum difficili aditu, difficillimo bello in Palatinatum ducat & contra majores copias diu bellum trahat, vincatque? aut Danicæ avaritiæ charybdin impleat? Non lascivit foris, cui metus est domi. An ardente Londino, aquas feret Heydelbergam? Proximus ipse sibi est, & nimium vicinus ex offensa Francus. Quæ verò nobis spes victoriæ foris, cum miles non nisi pressu & coactu ad exosa arma sit compellendus: at qui pugnat, invitus, spontè fugiet.

VII.

Non reducet bello te Francus. Cursum Hispanæ potentix sisti ille exoptat, non augeri tuam: propositum suum aliâ tentabit viâ. Verba & Legatos pro tua causâ, non arma pactus est. Alijs tua pollicitus est, si sibi fœderari velint, non est illi cordi miseria tua. Coronæ amicos querit suæ, non tibi Coronam. Habet & alias causas. Nam acta tua damnavit: religione retrahitur. Affinem proritare periculosum ducit, Sorori & Sororis Filiæ bellum consanguineum inferre, nefas judicat. Arma Rhetica & Ligustica abominatur. Damna animo pensat, Pacem petijt. Papam & Papæ amicos offendere se velle pernegat. Excommunicationem metuit: eius effectus, id est, rebellionem Principum horret. Nunquam unius exulis amicitiam omnium vicinorum paci putavit anteponendam. Habet in Consilio & cubiculo

hostes

hostes tuos, optimus Consiliariorum Gallicorum disertè dixit: Bello Germanico plus damni facturam uno mense Galliam, quàm valeant tres Palatinatus'. Hinc Dani Legatus summa^m,₁₀₀₀₀ irrisus magis, quàm adjutus abscessit, & quidem iratus: contumeliosè etiam prolocutus, *Leuitate Gallicâ gravari Daniam*. Batavis nil datum, conditiones novæ positæ, & jactatæ de prodita Rupellana victoria repetundæ. Nulla illi causa est tui iuvandi, multæ deferendi. Principum potentissimi & frater offensus, alij timent exauctorationem, alij offensum, omnes Richelium. Ubi multi amici, unus inimicus, nulla est securitas; at illa in turba multi hostes, vix unus amicus'.

VIII.

Nunquam tutum est credere Gallis Papistis. Nonne socijs in socijs pacem fecerunt? Et eo fœdere nitebatur tua, salus, & sociorum Regum incrementa ac gloria. Non possumus non recordari Legati ejus, Hagæ studium & labores, quibus contendebat, ne Status præpotentes pacem cum Ibero inirent: Regis literæ omnibus obtrudebantur, etiam pecuniæ afferebantur; sed omnia eâ mente, ut Francis' spacium esset conficiendæ pacis, ut sua ipsi in tuto collocarent, extrema periculorum in Batavos derivarent: ut jactent versutissimis versutiores esse Gallos. Eâdem te fraude petunt, inopinatò deserent, aut depriment. Iam Grifones opprimunt, Venetos exhauriunt. Primò Bojum coluère, illi omnia tradere tua conati, deinde te promissis lactarunt; Nunc Cæsarem. Iberumque prensant, tuum exitium pacti: non dubia aut inexplorata loquor, quanquam horret animus. Constat ex intimis nostris, quia regia consilia communicant: constant ex oculatis, auricisque testibus; in manu sunt literarum documenta: Oratorem Francum.

non semel iterumve, sed crebris vicibus magnâ animi orationisque contentione, apud Comitem Olivarium; alióſque egisse, ut inter Fratrem Regis Christianissimi, Cæsarisque filiam nuptias conciliarent: in dotem cederet tua dignitas, provinciâq; Ne verò Cæsar cunctaretur, horrenda adiuncta est conditio: Fore ut Francus summis terrâque marique viribus, Cæsari auxiliaretur, *AD TOTALEM Palatini DEPRESSIONEM*; hæc ipsa verba sunt, hæc in Hispania moliantur. Quia verò te in ima pressum aiunt, eos qui sublevare te conantur, Anglum & Danum etiam diruere machinantur, & tibi superinjicere, ne tantis ruinis erigendis ulla par sit in Europa potestas. Hinc illusi Hassorum Legati, hinc cum contumelia dimissus Durlacensis. Hinc callidus ille Barbatus. Didicisse etiam Gallos regna præcari. Monuit sæpe Mauritius Gallicâ ope utendum, non fidendum fidei. Liga magna super lilia requievit; illa subduxere caput, & cum maximè egemus eorum operâ, inimica sunt, vide atrocem sententiam. Da mihi Palatinum, & Palatinum *TOTALITER* deprimam. Imò quisquis pro Palatino stat, sternendus est.

IX.

Quæ causâ tantæ mutationis? ubi nunc promissa? Ne quære; causâ suprema, causâ causarum, *RATIO STATUS*: Tecum est periculum, cum Hispano opes. Verùm multæ sunt odiorum, contra te causæ privatim, Buchingami te clientem esse, sororis suæ adversarium & insidiatorem persuasus est. Te divortium machinari, pulveres medicatos nôsse. Te inſcio nihil ausum Villerium, Tuis artibus Reginæ contumelias; Papiſtis exitium inferri. Te Hugonoticarissimum, cum illis tibi omnium secretorum esse conscientiam. Te ab illis publicè laudari. Tibi si Regnum Britannicæ obtingat, Regem etiam Rupellis fore, à nullo si-

bi maius esse periculum. Dicta, scripta, artes tuæ & tuorum ab año 1619. releguntur, quæ odiosa sunt suggeruntur, sunt autem penè omnia nigra. Necdum vetera exciderunt; Ludovici, Casimiri, aliorum facta recensentur

Funeræque & Lachryma, miserique incendia regni,

& pro tot cladibus Heidelbergam ducta in triumphum. Regiæ cimelia. Nuper Regi ostendit. Polites ille aureus, pueritiâ eius & regni primordia Palatinis armis exercita, adiutum, subornatûmque Gentium, contemptum Heidelbergæ Passomprium, data consilia Hugonottis atrociam, Bullionium armatum, & post facinora defensum. Nunc verò etiam Fratrum conatus, secessio Principum tibi, Britanîis, Allobrogibus imputatur; quod omnibus malis maius est, maior iam fides Hispano; ille proditorum fidus Index habetur, nos conscij. Sed fac Velle, quî pote? Tot mala domestica, nemo fidus Regi, qui potens. Fratrum aut æmulatiô, aut crimina, aliorum diffidentia. Hoc fatum illius coronæ est, agitari, in se collidi, ministros crebrò mutare, rarò meliores substituere, semper esse qui supra, qui contra Regem se efferant.

In tot populis vix una fides,

Nec par Hispano, & si par esset, dubia tamen esset contraparem victoria. Invidioso carmine te gravare nolo, sed monere

Belles & immensa obludetur Francus opum vi,

Durius Hispano ferrum est, patientior astus.

Flexanimûmque aurum;

quo tot Gallos emere potest Iber, quot regno tradêdo sufficiunt. Ego magnam inter illos Reges amicitiam fore auguror. Hispanus Hugonottas auxilia precatos, portus ultro offerentes non reiecit tantûm, sed & indicavit. Magnâ affinitatis bene cultæ laude, quamvis hostis noster, merito

extollendus, qui prodicionem tam fructuosam repudiavit. Hinc igitur spes nulla, præsertim cum turbati regni, alienatorum Principum, discordia Fratrum ab Hollandis, Sabaudis; tæque, ô Domine, originem esse suspicetur. Cur igitur illi fidam, cui Papa non displicet? omnia ingerit Cardinalis? an tu existimas Cardinalem, cui ex tua perniciæ opes, gloriæque apud Papistas certa petitur, malle cum dedecore, & periculo, tuam agere causam? crede mihi tota illa machina, de tua **TOTALI DEPRESSIONE**, opus est Cardinalitium, qui nunc ex tua clade gloriam quærit, quam ex felicitate habere non potuit.

X.

Non restituent te Potentissimi Status Belgici; vile est apud eos nomen perseverantis exulis; res onerosa. Ideo nuper Lusitanum excusserunt. Fastidiunt pauperem, & in sordibus regis dignitatis imitamenta subfannant. Acce Secretarij dictum nôsti. *Honorite Batavis esse, apud eos enim residere grandissimum Europa mendicum, te præsentem.* Iam etiam odisse incipiunt; Nam odium tui sine sumptu judicant esse, amicitiam constare impendio. Tuâ causâ credunt, Cæsarem velle clausa flumina, sublata commercia, luere se tuam Proscriptionem opinantur; jam etiam illud agi; ut hostes Imperij judicentur. ante nunquam ita Cæsarem & Hispanum consensisse, nunc te communem hostem potentium, sociare mentem, alios Reges, Principesque etiam cognatos tuam præsentiam excutere; odiosissimum exulem velut spinam suæ Patriæ infigi; mallent in Britanniam te migrare. Gliscunt etiam Nassoviorum & Arminianorum violentæ suspiciones, quasi inolitâ ambitione Principatum, tentaveris. Deinde suis ipsi damnis conflictantur; Tributa solita minuuntur, vix tertia pars superest; crescunt impendia; Regum auxilia decrescunt; Pensiones annuæ & fenora,

fenora, mox reditus superabunt, artium Mechanicarum, nulla sunt precia, rerum necessariorum, ut lignorum, æris, ferri; Lanificij, lini, aliarum; summa inopia.

Accedunt malis domesticis bellicæ calamitates, clafses captæ, depressæ, negotiationes ob discrimina suppressæ; intra biennium sexcenta & amplius grandia tormenta bellica amissa. Proceres concordēs nulli, nullæ Urbes, Frisij vestigialium immunitatem petunt, opem à Bimestri sperant infante, quem exoso, pulsôque opponunt rectori: non ignari æmulationum inter agnatos. Hinc sunt & ipsi factionibus opportuni. His ego non fidam, nec tu, si sapias & sentis. Si lentè Danus egerit, aut ritubârit, tuo capite Iberum placabunt: Exemplum habent Carthaginis altæ, Antiochique Syri. Fremunt se à Franco inlutos & præventos. Sola Hollandia cùm vicies octies centenis millibus luctatur in annum fenus, quod nullo aggere excluditur. Ventus ille viscera depascitur. O ventum horribilem atque pestilentem. Roterdamensis societas æris alieni habet vicies centenam millia, aliæ verò ad fundum venerunt. Aliarum Provinciarum, ut debita in singulis minora sunt, ita difficilior solutio. Frisij certè potentissimâ se Deâ, IMPOSSIBILITATE excusant. Fides omnium extrema stat regula, mutuum nemo dat: quin etiam Legatum Britannum studiosè celant, & nos quoque quid cùm Ibero tractent. Si pax erit, omnia nostra secreta pandentur Hispano.

XI.

Minor etiam spes in Dano. Pugnam detrectat; fugam circumspicit;

Martem habet in lingua, tremulo stant corde pavores.

At Fabij decus æmulatur CUNCTATIONEM vocat, hoc præterit nomine inertiam, à Christiano mascule exprobratam.

ram. pronuper paucos milites eius equitatum Fürstenbergius fudit fugavit, primam aciem tanta turba non sustinuit. Aurum à foederatis non impetrat, nisi paucum & seruum. Ne procella in Daniā ingruat, haud inscius expectat,

Nunc socijs gravis incubat, exosâtque.

Nil hosti nocet impavido.

bellum quasi rivos trahit, Saxones stativis premit, ut debiles Imperio adiciat suo, iam Bremensium arces dolo intercept. Causa nunquam deest potentiore. Iam nunc bellum sumptus ab obnoxijis potens calculator exposcit. Semel pugnam minatus est, & sanguinem dedit. Exilium tuum moratur ipse: Nec spes est, si vincat, sibi vincet, de suo augmento cogitat, de tua restitutione nihil, nisi prætextum habet. Vin' vera scire? Mansfeldicas, Brunosvicenas, Hassicas clades tacito mentis gaudio sensit, familiares aperto; hoc nocturna colloquia, & libera vina nos docuerunt. Solus ipse potens esse vult, quâ Visurgis & Albis fraterna flumina merces externas vehunt. Iam etiam pacis arbitrum Cæsaris amicum subornat, tam occultè, ut plerique nōrint. Pro te non sataget, de se anxius, ut ut agat, nec ipse est bellator, nec Bellatores habet Duces. De Halberstadio etiam cum viveret, non magis quàm de mortuo speravi. Ille temeritate præsilire, metu resilire, polliceri multa, post minari, nunc Fratrem, pellere, nunc poenitere; homo fluctuantis cerebri, & impar sibi, in quo nunquam innocentior phrenesis fuit, quàm illa, per quam anima expulsa est. Dubium nullierat, cum proditis socijs se Cæsari iuncturum, Alberti veteris exemplo. Fuxius eum, causæ nocere semper questus est, fugacem, sapientiæ incapacem, pari censura stringens Mansfeldium.

X I I.

Quid de Mansfeldico nobis promittimus? Vnde non fu-

fugit? Incuriosus militiæ, avidus prædæ, quæ ex pacato, quàm hostico est paratior. Nulli rei magis idôneus, quàm ut ex amicis hostes, ex hostibus victores faciat. Testis Lubeca, Saxo, Brandeburgicus. De illo etiam Gabor questus est Cæsari: *Cladem eius non lugeo, ipse eam insuper habet, ut cui præda sit cara, vilis militum sanguis.* Hinc iam à tua causa alienari Saxones, amicorum hostilitatem experti, Nulla spe meliorum successuum ad belli finem anhelant.

Ubique vastitas, fames,

Et dira mortis imago.

Nec Sueco vacat tuas sarcire clades, vicinos habet adversarios; Polonia irritata est, pacem negat, Clades Borussiae eam cautam facit, iam fortitudinem ad cotem suam acuit irata. Tyrannide potentiam, subditis excussit, pacandæ Patriæ omnes vires insumit. Ager agrum sublevare non poterit.

Easce suo pressus alienum tolles?

XIII.

Magno Turco non est integrum. Frustra non exorandas fores pulsantur; vix nomen Palatini meminerunt Bassæ. Ne voces quidem lamentatrices admittunt.

Claustra strepunt ferro, mentes adamante rigeant.

Preces nostras Cæsari referunt. Vastum illud Monarchiæ corpus magnois quatitur malis, solida vi pulsatur à Persa, lauciatur à Tartaris, Cosaccisque, nec minor intra viscera pestis pugnantibus membris, & secessionem facientibus. Lacerò corpori nemo prudens nova inducit arma. Itaque & Gabor nos deserit: aurum quærit, post aurum auxilia venditat, non præsentat; certo precio rem incertam vendit. Frui mavult partis. Pacem etiam tibi suadet: omnia nostra consilia improbat, & malè celat: ita Cæsari gratificatur.

XIV.

Actum quidè Bizantijs feruidè, & à Batavo Caimecamo

hoc est, Turcico Buchingamio, datæ sericæ aureæque triginta vestes, ab alijs alia dona, ut bellum suaderet in Casarem, sed vix efficiet. æmuli illius inde evertendi novam occasionem captant. Magna lætitiæ gestierunt nuper juniores nostri Aulici, cùm ex Britanno Oratore discerent, Bizantij inter Legatos convenisse, ut Gabori in menses quinquaginta talerorum millia à Ligistis solverentur, atque ita ille cum grandi Exercitu provincias Cæsaris invaderet, quod ille per Bornomisiam facturum recepit, & sanè jam movet lacertos. Verùm nec magnopere nobis hoc proderit, sed odium invidiæque major orietur. Turcæ Gabor sollicitat, incertum & periculosum auxilium. Deinde falso omnia nituntur, persuasum erat ab Anglo Turcis, Tillium, Fridlandiùmque à Dano internecone deletum; te intellectâ ludibrio se haberi indignati sunt. Quin Turcæ non dissimulant, non alio pacto se auxiliaturos, nisi datâ Bohemiâ & Moraviâ. Nec credunt tamen posse dari sine sanguine; Legati quidem Ligistici omnia moluntur, sed si venerit Hispanus ille, & invito Caimecamo portam salutârît, ne ille machinæ retro vertentur. De subsidio tamen Turcico ni Ferenzius donis rem pervicerit, dubitat Britannus & Venerus Orator, & nisi Hispanus ille Hidalgo lapsus equo retrocedere coactus esset, jam deperasset; major pecunia vinceret minorem, ipse Caimecamus auro, quod fulmine violentiùs perrumpit, non inlubenter cederet. Sed & Gabor mutabilis. semper speciosas habet causas fallendi. Non est ille Turcarum status. ut nova bella quærant. Gestiente nuper lætitiâ ferebantur, didito per Spachium quendam, de capta Babylonia, rumore. Sed falsa gaudij usura luctu cuncta complevit. Scribit Britanni Regis Orator, omnia prælia, omnes expeditiones infelicitè cecidisse: supplementa properantur ut in summo periculo. Isaffis Mehemetus

Bassa magnam pecuniam quadringentorum millium accipit nono Maij, in rem Turcicam; sed ob calores æstatis in autumnum bellū differet. Tertio die Maij triremes ad Ponti Euxini custodiam egressæ sunt, cum Exercitu sequetur. Bassa Pegierius. De clade Tartarorum iam constat, Tiaceus Mehemetus Bassa sibi metuit à Polonis, petit à porta per Caimecamum aliósque, ut cum Gabore agatur de auxilijs. Quid illi præstare in aliena causa poterunt, qui in sua alienis auxilijs indigent! Si Cosaccis Poloni succurrant, aut regnum invadant, magna erit consternatio, nunc metus Turcorum quò magis dissimulatur, eò magis sese prodit. Caimecamus tamen cum Legato Franco agit, ut de pace tractetur. Itaque hinc incerta semper spes, certa perniciēs. Quamquam vereor, ne tam impia auxilia petentibus exitiosa sint. Quamvis enim in politico stratagemate pietas extrema sit, videtur tamen esse aliquod numen regium, quod Magistratus jura sanciat: cui sitæ qui & iniqui iudicium. Profitetur Legatus Angliæ in omni terra quærenda auxilia, Acheronta movenda; quid si tamen & Cerberus sit iratus?

XV.

Venetorum res deteriore loco est, quàm illâ tempore cum magna pariter, modicâque negarent auxilia. Urbium, subditorumque querelæ sub onere gementium, indies crescunt; negat Verona, negant aliæ Urbes à conditu suo, unquam se tam acerbâ vexatione oppressas. Querimonijs tantis violentus miles incubat, & doloris silentium ferox imperat. Desperat ipse Contarenus; desperat Turcius, Dux ipse clades prædicit, rebus malè cedentibus, Reformati minus possunt in Collegio. Nuper multa in Francum dicta, nunquam ejus foedera suscipient. Nuper dimi-

diā pars pacem, amicitiam, fœdus cum Pontifice, & papistico fœdere suavit. Et quamvis Austriacam potentiam exosam & suspectam habeant, malunt tamen Cæsarem esse potentem, quàm se perire. Incredibilia sunt, quæ Legatus Statuum de concertationibus Collegij scribit.

— *Nec tantos Austro ciet Adria fluctus.
Nec Coro superum mare.*

XVI.

Vides quid non possis, & per quos non possis; nec alij sunt per quos possis. Spes tua alieno nititur auxilio; in quodæ sunt res incertissimæ. VOLUNTAS & POTENTIA. Eorundem rerum difficillima est perseverantia. Sensisti initio ruinæ tuæ plerisque deesse VOLUNTATEM, nunc etiam POTENTIAM;

Miserum est alieno incumbere fulcro:
nam lapsus est in alieno arbitrio. At Cæsar licet afflictus, vastas tamen habet, & fertilitate nativa dices Provincias, opesque junctas: Inde miles & nervus; Imperio etiam sublevatur; dant enim illi qui optant.

Vt nec bene versat.

Exercitus eius nostris est formidabilis. Hispanæ opes & potentia.

— *Finitimis invidiosa loca.*

durare potest. Invidia illa tibi socios, non amicos conciliavit; si Livorem & æmulationem alius vicerit affectus, uti jam fieri coeptum, deferere. Non est bellator unius anni, nec donator unius aurei. Illi Regide montium radicibus in annos singulos ramenta metalli fluentis,

Ditiæque argenti deducunt aquora Læmnæ,
omnes bello fatigat, & si æconomus esse velit, evincet, longi-

gissimo itaque bello par est. In annos singulos novus illi potentiz gradus additur; novæ Provinciæ, novæ metallorum venæ.

XVII.

Ne fœderatis quidem invalidæ vires, Accessit illis & Papa, jungentur alij, forsan & Veneti. Et licet belli dampna sentiant; insidiosam tamen pacem, & nocendi occasionibus intentam oderunt. Firmatum usu exercitum habent; aspectum eius ferre nostri non possunt, legisti ipse nuper. literas Wolffenbütelio scriptas, sanè miserabiles, & desperatione plenas; Nimirum ob plurimas gravissimæque causas, non posse Danum, Urbibus à Tillio obsessis occurrere. Itaque non minore damno exercitus, quàm infamiæ flagitio, præsidia nostra in conspectu ociosi Regis, & castrorum paventium contrucidantur. At bella constant famâ; famam autem prodegerunt, qui non modò tantam inertiam non excusant, sed etiam in posterum negant auxiliari se posse. Quid ergò miseris assident? an ne sine teste pereant.

XVIII.

Difficile igitur est undiquaque bellum. Si acceleras, contra validos, & veteranos exercitus, contra victores victo pugnandum est: quod nunquam periculo, rarissimè clade caret. Si bellum trahis; hostis diutiùs durabit, opibus & suis & nostris. Nam Palatinatus uterque eorum bono colitur, & sedem belli in nostro collocat. Magno sumptu gravantur, sed evadunt tamen, & novo semper accessu vires adaugent. Necdum sacram anchoram levarunt, necdum Ecclesias oppignorârunt, necdum crucem prædicârunt bellicam, nec dum clerum armârunt: & illâ tamen facturi

sunt, si extrema tentemus. A minis nostris animos recipiunt, bellum è Dania, Britannia, Suecia nuper minabamur, præcipuam verò per Mediomatrices, aut Vogesi montes tempestatem, ac illi mox copias opponunt; minas luit Bipontinus, & Sara nimium vicinus tuis, heu quondam Civibus. Indicium hoc est cedere no'entium. Omnia verò ita constituta atque obsepta sunt, ut non nisi diutissimo bello, difficillimo itinere recuperari Palatinatus possit. Nulla itaque spes in armis amicorum.

Sola potest victo, pax reddita ferre salutem.

XIX.

Præclusa est, quæ sit vi via, Hæc nihil potes, incassum tot opes effusa, Provinciæ vastata, fusus sanguis. Absiste, nihil ages invito successu. Vias cruentas ambulare noli; supersunt tibi semitæ duæ; mutuo nexu concordēs, precum & frandum Regum preces sunt validæ, Exulum miserabiles. Dolis ubique locus est, etiam contra dolosos. Leoninæ laceræ vulpina succedanea esto. Precibus si partem à Cæsare impetrabis, pars illa totum trahet. Archimedes movere mundum arte se posse dictitabat; si alium mundum in quo pedem poneret, haberet. Tibi si pars Provinciæ detur, in qua pedem ponas, opes sensim colliges, & clàm exercitum, quo famam præveniens vicinos opprimas; Rationem modumque nuper deputati Batavi docuerunt. Et tanè potuerunt hoc rustici ad Anasium, non posset Fredericus? Nec dedignare preces, etiam rogavit Turnus Æneam.

Victos non dedecet

Vittæque & verba precantur.

Non tu, sed fortuna tua precabitur, erubescet illa in te tantum

tum sibi licuisse? illa eadem cum fortior erit, Cæsarem occidet. Nosti Lacrymas Crocodili. Cæsaris gratiam per amicos tuos parabis, quos spe & promissis adhuc tenes. De te illi, ubique mollia loquuntur; Nullam nisi te restituto fore pacem. Catholicos Clementiam decere. Non privandum avitis opibus Principem. Davidem pepercisse Sauli: nimis bellum esse sumptuosum. Hos promissis onera; spe impleto. Scis quo quisque loco sit gratiofus, ubi polleat. Cæput rei est, cum vis, non succedit, consilia destruere. Pone metum, nulli Principum suus deest Achitophel, qui & mala consilia det, & ita palliet, ut bona videantur, de alijs Principibus omnes & singuli, de singulis Principibus Principes id credunt, de suis nemo, vel duo, vel nemo.

XX

Verum quo perges ordine? An Comitia antevertes? in ipso te Coeventu lachrymis & querelis agere consultor tuus jubet; & isti consilio palmam tribuit; ego ne algam quidem. Et si enim calamitas tua movere posset inlaxos, non tamen placabit insensos. Sua quisque detrimenta sentit; causam in te conferunt omnes, suus quemq; dolor urit; ille miserationem tui excludit, dum adhuc fervet. omnes damna computabunt, res repetent, tot votis ne denique Palacinatus sufficient. Et quamvis a duobus præcipue tuæ Provinciæ teneantur, Ibero, & Boio, Iacinas tamen sat magnas alij quoque tenent; ita ut inter duodecim sit ditio tua, & quidem potentes, divisa, querû nemo sponte reddet.

Boius propositi est tenax

Ibérque parto cedere nescius.

Nec minus à nobis impedimentum obicitur: publicè tecum agi nihil potest, nisi agnitâ culpâ veniam poscas, pariturum

rum pollicearis, satis dandi cautionem præstes. Cæsar gravia damna non dissimulabit; compensationem exiget. Ista si subibis dignitatem minues, & cunctis te obligabis. Quid enim queri potest, tot criminum se reum professus? Iniurias non omnes condonabunt, contumaciam longam obestant, & ex Tartaria Turcisque quæsitam Imperij ruinam. Franci preces erunt frigida: ut qui placere Papistis malit, Britanni contemnentur, ut impotentis; Dani ut inimici eum odio reiciuntur.

XXI.

Si precibus locus non erit, superest dolus. Fallere autem promptum erit, si Hispano, Cæsariæ, aut Boio liberi tradantur educandi, religio favorem conciliabit. filijs quibusdam Sacerdotia & Episcopatus patebunt. Magnum hic potentia incrementum; alijs de Provincia portio reddetur; nec Britanni offenduntur, facili religionis nundinatione. Nec dedecori erit illa transitio, majoribus tuis accedes, qui Papistæ fuerunt, solus Fridericus tertius & Pater tuus, reformatæ religionis fuere, pauci Lutherani. Miror sanè, non modò in Anglia, sed etiam in Germania, ita te tuosque contemni ut ne ad Evangelicas quidem Ecclesias Cathedralis vocentur, cum id Exulibus commodissimum foret; An ille contemptus est? an alienatio? an sibi quisque beneficere, quàm alijs mavult?

XXII.

Si tamen tua te decreta tenent, nec filios aliâ religione imbui permittis, alia tentanda est via. In Batavia vide, si quid obtinere possis. Ernestus Nassovius excidit, forsâ impelli posset Henricus: Puer duorum mensium claro Frisiorum admoveatur, aut petatur, tu cessas? Henricum Arminia-

ni amant; Gommaristæ, præsertim Magistratus, oderunt. asperioris est ingenij, accusationibus obnoxius, te quoque exosum antè dixi, sed ad laborandum, ut potentium tibi animos concilies. omnem move lapidem, sub aliquo thesauruserit. Rebus turbatis nihil perdere potest, qui nihil habet. Pete vel tibi vel filiis, quameunque Præfecturam, occasio erit emergendi, nihil dedecet, quod utile est.

XXIII.

Si Batavica vel minùs, vel lentè sub manum succedant; Britannias aggredere, omnia in illo regno tument; Regem adolescentem primo impetu propelles, utpote invisum proceribus; iusta vindictæ causa, defensu Buchingamius, Socreri interfector, Gener necem Socreri, quam filius negligit, ulcisceris. Nihil regno gratius, cui nihil odiosius est Buchingamio. Iungere animos tibi melius nemo potuit, quàm Rex, quicquid à se abalienavit; omnis tibi mora obstat, per amicos & conjuratos rem incipe, Vivunt, florèntque alibi pulveris architecti, qui Hamiltonio, Socreroque miscuerunt: Causam suscipe, te sinu suo regnum suscipiet, Affini amicos subtrahes, solitarium excuties. Donatium ostenta, Præfultum & Cleri opes, Puræ religionis sectatores illà illecebrâ inescati, humeris suis in thronum te extollent. Scotia nobilitas, arida est, & avida, prædas pollicere. Offensa est impuritate Episcoporum, quos Socrer reposuit, offensas auge. In Anglia Proceres plerique sunt egentes, ambitiosi, sumptuosi, luxuriosi, æmuli aliorum, alienis vitijs tua virtus ad summum deus consequendum utatur. Omnes tales, præsentium sunt fastidiosi, futurorum expectatione mobiles, regnantibus infidi, pollicentibus faciles. Per eos Carolum, per te illos everte.

XXIV.

XXIV.

Nec Francus obsistet, ut sororio adsistat. Lilia non tranant æquora. Equitat non navigat Francus. Nuper pro illo Batavi vicere. nec sermones metue. successu omnis defensio iusta redditur, qui victus est, nocens habetur. Victoria non quarrit advocatos, sed parit; si Bohemica probavit Francus, non damnabit Britannia. Pari jure pollent, aut pari injuriâ. Quin & filio tuo obtingere possunt nuptiæ de ter-
raliliorum. Affinis tuus meruit excidere, quia tardè juvit. Proceres Britannia perire justum est, quia Regem morantur, & mori malunt Buchingamium, quàm te vivere. Verùm ista dissimulabis: rerum potitus metes eminentia paverum.

XXV.

Ardûa ista videntur & periculosa?

Nil sine magno

Vita labore dedis mortalibus.

Factum tuum est magna aggredi. Si aliud placet, quod facile, quietumque est. Provinciam tuam universam, Franco aut alteri potenti, jurâque omnia divende, & pactus alimenta quiesce. Emptor evictionem sibi gladio præsteat. Tu sede procul Iove & fulmine. Pro suis quisque rebus consultat seriò, pugnat fortiter. Olim pro deditis Quirites arma sumpserunt. Alienam litem si vili veneat, multi ibunt præstinatum. Saxones se Dano vendidere, bonâ initio conditione, licet nunc duris legibus auctorentur, & illud audiant: *Vri, fecari*. Graviorem sentiunt Lanistam, nomine Patroni favientem, quàm hostem, ideòque Cæsarem respectant.

XXVI.

XXVI.

Cur in iustiore causa non imitaberis Hassum: Arces ille, Urbesque & Populos, suum insuper, filiorumque cum opibus sanguinem Franco obtulit; & ne parum seria videretur addictio, inscios agrestes biennij pene stativa passos, veteranis legionibus obtulit sacrificandos, ut illâ victimâ sanciret Gallicam servitutem. Nec movere te debet, quod tanquam vilis Transfuga contemptus sit, legatique eius inglorij Parisijs Cardinalium & Potentium vestigia lambant invito conatu. Nimium arduus est ad Rheni petram accessus, & nimium vastus Provincias.

interluit amnis.

aspera etiam regio est,

Non Bacchi Cererisque ferax,

Francica, sacundas querunt sibi lilia glebas.

Quod verò Iurisperiti imprudens factum existimant, quasi feudum Imperij exteris offerendo, ipse se abdicarit. Hassiamque ideo sine domino esse censeant, & transfugio Valsalli caducam alij tradendam, tuæ causæ nihil officit. Fortuna tua tuta est, dabis quod non habes: recipies quod non sperabas.

XXVII.

Ignavum videtur rursus de tuo jure cedere? At possessione deturbatus es. res abiit, fictio juris inanis est. Verum aliud animosius propono. Iterum per verbi Ministros, per Catos Politicos seditionem move, tumultus cie, male cessit in Italia, Gallia, Germania illa molitio. Seditio- num exitus raro felix, plerumque in auctores vertitur noxa Sed quid metuis? Fortuna te premit, amicorum clades nobilitant, iuvat mundo ruente mori,

Vadis adhuc magnus populis pugnantibus exul.

Exitioque trahis comites.

ex tumultibus quidem crescunt hostes, tu tamen potens haberis.

XXVIII.

Consilium forte, sed anormis Pilotj non improbo. Portum aliquem ab affine, vel Dano, aut Sueco petere suadet, ex illo Oceanum regnare, rem parare, filios ad bella ducere, Ibera, Itala, Inda littora incursare. Nec nova rex Rege pirata, Jephthe domo pulsus Latrocinia exercuit, & tamen Ductor Israelis factus est. Affinis fortè negabit conspirationis metu. Danus concedet; sed longiùs absunt ab hostibus illæ Provinciæ. Ad Afros te mitterem, sed nulla fides Barbaris, summa avaritia.

XXIX.

Hortatur quidem te Manicaureus, ut Ottomanidem, ipse adeas, in ægeo mari asylum dari posse. Datam & Davidi Sicelegam. Ex ea posse te Regem unctum, sed profugum æmulari. Verùm hoc Venetus improbat, mercibus suis cavendum ratus. Nec magnæ Portæ te ludibrium fieri vellem, Bassarumque purpuram basiare. Itaque varicosos Roterodamensium Nauceros non audio. Quisquis liber Tyranni domum subintrat, liber esse desinit. præstat tamen hoc agere, quàm nihil moliri.

XXX.

Ego potiùs Rupellam te voco: nam & ipsi Rupellani id cupiunt, honorificum sibi æstulant, asylum dare Regibus, nonnullas vires etiam allaturum sperant. Omnia illis tibi secunda sunt. Religio una, eadèmq; exceptis paucis, quæ

quæ inter arma negliguntur. Societas eorundem facinorum, quâ Reges impetuntur. Opportunitas nocendi Gallo, qui te deserit; occasio reformatos roborandi. Hoc loco tuos amicos, Puritanos in Britannia, Regis inimicos instrues, consilia communicabis, sine suspitione, negotiationum prætextu omnes recipies. si illic vires colligas, si Hyberniam, Scotiam littora adeas, non poteris à fortuna destitui, præstat illa agere, quàm regio titulo oneratum in Hiantia, desiderare, & aliorum acta legere, & sociorum audire clades, & querelas. Et illi tamen res suas agunt; quisquis sibi arat, ferit, occat, messor in incerto est. Tu quid agis?

Non super ipse tua moliris laude laborem?

Arcanios miserrare tuos,

XXXI.

Concitanda iterum inter hostes discordia, ad hunc finem non modò vires artésque, sed scelera etiam ipsa nefasque adhibenda sunt. Huic consilio primas, secundas, tertias, millesimas do. Hactenus quidem nihil inausum, nihil intentatum est relictum, parum actum fateor. Iterum tentandum, fortè aliquid agetur. Nimis est robustum, nimis grande corpus hostium, cui jam accessit & Papa. forte vinculum, nostris viribus, nec frangi, nec loco moveri potest, occultum discordiæ venenum si combibat, paralyti solvetur, ipsum se dividet, & in se collisum ruet. Nostra se unio cupidissime dissolvit, jam magna Regum liga dissiliit, at inter Papistas etsi non desint querelæ; manet tamen fœdus, & communia consilia. Extremâ vi fraudum connitendum est, ut aliquos divellamus; pauca saxa si fornici subtrahis, tota concameratio concidit. Victi sæpius bellum renovavimus, magno sumptu, maiore periculo, discordiam ho-

stium nulla impensa moliri licet. Fronto noster Argentorato novas spes ostentat, ad Istrum res fervet, miramur Gaborē quiescere, & occasionem capillatam non prendere. Vrsinus suo fertur impetu. Alectryon dolos agit, sed cantu prodit. Nulla meres magis angit, discrucior animi, dolore rumpor occasionem nobis perire: illæ si transeant irritæ, laqueo me induam.

*Non Gallus, non arma Gabor, non Turcus & Adria?
ô tempora, ô mores?*

XXXII.

Vos saltem, ô Helueta pectora, rapite arma. Si vultis; Suevia vestra est. Vos ô Socij fidei nostræ, & vos adscripti-
tij novæ ligæ Uranij, Suisseri, Subsylviani. An frustra in Fri-
burgensibus, Lucernatibus, Soloduranis sategerunt Galli-
ci Venetique quæstorēs? Iam paucorum astu illaqueatos ia-
ctârunt. Verum nisi citò remagitis, fervor Uraniorum &
sociorum intepescet, in aliis Urbibus pensionarij nostri e-
runt in periculo; nam & Cives & Senatores incisos in fœ-
dus nostrum cogunt; Etsi enim in consilio aliud decerni-
tur, qui tamen scribundo & relegundo adsunt, Prætor &
Archigrammateus, nostris rebus cuncta addicunt, & suo
arbitrio Senatus consulta temperant. Macte animi Am-
rinc!

præit altum Sequana Rhenum

Quod si Helvetios Papistissimos invitos cogimus esse no-
stros, idque valent pauci, cur non & reliquos tentamus?

XXXIII.

Verum & Venetos & Helvetios timeo, & Gallus ite-
rum Hispanissat, certo certius nostra consilia tradit Ibero;
viti &

nti & aliorum, omnibus. Quid nocturnus Lucernæ conventus, Venetorum cum Mironio & Nuncio Papali? at illi ibant Basileam, in Hollandiam, Angliam. Quid opus erat nocte, si Cærimonix solæ agebantur? Hæc penetrare oportet; prement Francæ legiones Alpes, causæ prætexuntur. Quin & Durlachius jam Cæsari se venditat, credo Præfecturam bellicam contra agrestes ambit, à Sabauda negatam. Magna quidem inde spes, sed vereor ut fida silentia, conatus premant. Papistæ sibi facile mutuò secreta aperiant. Novæ Missæ mysterium non facile cuiquam committendum. Gens Helveta non nisi decepta à nobis mulgebatur. De Papistis loquor. Berna fida est. Ducem si te legerint rem suscipe. Hoc tamen scito, ad primum fortunæ ictum fugituros.

Ferre iugum pariter dolosi

Radij picti nocte non lucent, in sereno tantum relucunt, cum his nihil nisi dando peragitur; ubi fulsit nummus renident, si clausa est arca,

Tristia taurinos obvolvunt nubila vultus.

XXXIV.

Iter Suecicum cum Nestore tuo suaderem, sed multa obstant. aëris victusque asperitas, fastus Regis adolescentis, Polonicum bellum, seditiones domesticæ, magnis agitatae causis. Polonorum Victoriæ, Tartarorum clades, incinerata Præcopia, aliarum spolia Urbium, armis circumdata sedes Tyranni. A Sueco igitur parva auxilia, eaque inutilia.

Non facit ad vastum, parvula cymba mare.

Qui magnis egenti dat parva, vitam illi prorogat ad miseriam, micæ esurientibus iniectæ sunt irritamenta famis, non adiumenta satietatis.

Hæc animo fido consultoque. Tu utere. Bellum longum, ætas brevis, sumptus certus, eventus anceps, hostis pertinax, socij mobiles, inimici unanimes, symmachi discordes, exilium præsens, spes in longinquo, nemo tui commodi causa sine suo commodo sagittam tollet. Hostes successu feroces, amici cladibus fessi, liberi multi, ingenia dubia. Ex multis malis unum; è magnis, minimum elige. Ita censeo, & Britanna ostenta metuo;

*Qualia non capaneus, non audax amphiaraus;
Sperneret, inverso nec Manas torva corymbo.*

F I N I S.

L. 1908.16

99 955736

1003.16



MC

